

সিলেট বোর্ড, ২০১৬

বাংলা দ্বিতীয় পত্র

বিষয় কোড : 1 0 2

সময়—১ ঘণ্টা ৪০ মিনিট

রচনামূলক প্রশ্ন

মান—৩০

[দ্রষ্টব্য : ডান পাশের সংখ্যা প্রশ্নের পূর্ণমান জ্ঞাপক। উত্তর প্রাসঙ্গিক হওয়া বাঞ্ছনীয়।

একই প্রশ্নের উত্তরে সাধু ও চলিত ভাষারীতির মিশ্রণ দৃষ্ণীয়।]

১। (ক) সারাংশ লেখ :

৫

কোথা থেকে এসেছে আমাদের বাংলা ভাষা? ভাষা কি জন্ম নেয় মানুষের মতো? বা যেমন বীজ থেকে গাছ জন্মে তেমনভাবে জন্ম নেয় ভাষা? না, ভাষা মানুষ বা তরুর মতো জন্ম নেয় না। বাংলা ভাষাও মানুষ বা তরুর মতো জন্ম নেয়নি, কোনো কল্পিত স্বর্গ থেকেও আসেনি। এখন আমরা যে বাংলা ভাষা বলি, এক হাজার বছর আগে তা ঠিক এমন ছিল না। সে-ভাষায় এ-দেশের মানুষ কথা বলত, গান গাইত, কবিতা বানাত। মানুষের মুখে মুখে বদলে যায় ভাষার ধ্বনি। রূপ বদলে যায় শব্দের, বদল ঘটে অর্থের। অনেক দিন কেটে গেলে মনে হয় ভাষাটি একটি নতুন ভাষা হয়ে উঠেছে। আর সে-ভাষার বদল ঘটেই জন্ম হয়েছে বাংলা ভাষার।

অথবা, (খ) সারমর্ম লেখ :

হে সূর্য! শীতের সূর্য!

হিমশীতল সুদীর্ঘ রাত তোমার প্রতীক্ষায়

আমরা থাকি

যেমন প্রতীক্ষা করে থাকে কৃষকের চঞ্চল চোখ

ধানকাটার রোমাঞ্চকর দিনগুলির জন্যে।

হে সূর্য, তুমি তো জানো,

আমাদের গরম কাপড়ের কত অভাব!

সারারাত খড়কুটো জ্বালিয়ে

এক টুকরো কাপড়ে কান ঢেকে,

কত কষ্টে আমরা শীত আটকাই!

সকালের এক টুকরো রোদুর—

এক টুকরো সোনার চেয়েও মনে হয় দামি।

২। যেকোনো একটির ভাব-সম্প্রসারণ কর :

৫

(ক) বিশ্বের যা-কিছু মহান সৃষ্টি চির-কল্যাণকর

অর্ধেক তার করিয়াছে নারী, অর্ধেক তার নর।

(খ) লোভে পাপ, পাপে মৃত্যু।

৩। (ক) অনুচ্ছেদ লেখ :

৫

‘বাংলা নববর্ষ’।

অথবা, (খ) নিচের অনুচ্ছেদটি পড় এবং অনুধাবন করে প্রশ্নগুলোর উত্তর দাও :

সৌভাগ্য আকাশ থেকে পড়ে না। জীবনে সৌভাগ্য অর্জনের জন্য প্রচুর পরিশ্রম ও নিরন্তর সাধনার দরকার হয়। সব মানুষের মধ্যে সুপ্ত প্রতিভা আছে। পরিশ্রম দ্বারা সেই সুপ্ত প্রতিভাকে জাগিয়ে তুলতে হয়। যে মানুষ কর্মকে জীবনের ব্রত হিসেবে গ্রহণ করেছে, জীবনসংগ্রামে তারই জয় হয়েছে। কর্মের প্রতি নিবেদিতপ্রাণ ব্যক্তি জীবনে সফল সৈনিক হতে পারে। কর্মহীন ব্যক্তি সমাজের বোঝাস্বরূপ। অন্যদিকে, শ্রমশীলতাই মানবজীবনের সৌভাগ্যের চাবিকাঠি। আমাদের জীবনে উন্নতি করতে হলে, জীবনে সুখী হতে হলে, পরিশ্রমের বিকল্প নেই।

- | | | |
|-------|--|---|
| (i) | 'সৌভাগ্য' শব্দের বিপরীত শব্দ কী? | ১ |
| (ii) | 'কর্ম' শব্দের চলিত রূপ লেখ। | ১ |
| (iii) | 'প্রচুর' শব্দের একটি সমার্থক শব্দ লেখ। | ১ |
| (iv) | কর্মহীন ব্যক্তি সমাজের বোঝাস্বরূপ কেন? | ২ |

৪। (ক) মনে কর, তুমি ফাহিম। তোমার ছোট ভাই মুণ্ডু ষষ্ঠ শ্রেণিতে পড়ে। তাকে 'পরীক্ষায় অসদুপায় অবলম্বন ব্যক্তি তথা জাতির জন্য হুমকিস্বরূপ' এই মর্মে একটি পত্র লেখ। ৫

অথবা, (খ) মনে কর, তুমি দিনাজপুর সরকারি উচ্চ বিদ্যালয়ের অষ্টম শ্রেণির শিক্ষার্থী। শিক্ষাসফরের গুরুত্ব উল্লেখ করে তোমার বিদ্যালয়ের প্রধান শিক্ষকের নিকট শিক্ষাসফরে যাওয়ার অনুমতি চেয়ে একটি আবেদনপত্র লেখ।

৫। যেকোনো একটি বিষয়ে প্রবন্ধ রচনা কর : ১০

- | | | |
|-----|--|--|
| (ক) | অধ্যবসায় : [সংকেত : সূচনা, অধ্যবসায় কী, অধ্যবসায়ের প্রয়োজনীয়তা, ছাত্রজীবনে অধ্যবসায়, অধ্যবসায় ও প্রতিভা, অধ্যবসায়ের উদাহরণ, উপসংহার]। | |
| (খ) | বাংলাদেশের ষড়ঋতু : [সংকেত : সূচনা, ষড়ঋতুর পরিচয়, গ্রীষ্মকাল, বর্ষাকাল, শরৎকাল, হেমন্তকাল, শীতকাল, বসন্তকাল, উপসংহার]। | |
| (গ) | দৈনন্দিন জীবনে বিজ্ঞান : [সংকেত : সূচনা, দৈনন্দিন জীবনে বিজ্ঞান, শহুরে জীবনে বিজ্ঞান, গ্রামীণ জীবনে বিজ্ঞান, দৈনন্দিন জীবনে বিজ্ঞানের প্রভাবের অপকারিতা, উপসংহার]। | |

[বিশেষ দৃষ্টব্য : সরবরাহকৃত বহুনির্বাচনি অভীক্ষার উত্তরপত্রের প্রশ্নের ক্রমিক নম্বরের বিপরীতে সঠিক উত্তরের বর্ণটিতে টিক(✓) চিহ্ন দাও।

প্রতিটি প্রশ্নের মান ১। সকল প্রশ্নের উত্তর দিতে হবে।]

১. ধ্বনির অর্থপূর্ণ মিলনে কী গঠিত হয়?
 (ক) বর্ণমালা (খ) ধ্বনিমূল
 (গ) শব্দমূল (ঘ) শব্দ
২. নিচের কোনটি তালব্য বর্ণের উদাহরণ?
 (ক) ক (খ) ট
 (গ) ত (ঘ) চ
৩. ব্যঞ্জনবর্ণের 'ফলা' চিহ্ন কয়টি?
 (ক) পাঁচটি (খ) ছয়টি
 (গ) সাতটি (ঘ) আটটি
৪. সন্ধিতে ধ্বনির কয় ধরনের মিলন হয়?
 (ক) চার (খ) পাঁচ
 (গ) ছয় (ঘ) সাত
৫. 'কোলনের' সাংকেতিক চিহ্ন কোনটি?
 (ক) :- (খ) ;
 (গ) : (ঘ) "
৬. খাটি বাংলা ধাতু কোনটি?
 (ক) অংক্ (খ) কৃৎ
 (গ) ডর্ (ঘ) আক্
৭. স্বপন চিঠি লিখেছে- বাক্যে 'লিখেছে' ক্রিয়াপদটি কোন ক্রিয়ার উদাহরণ?
 (ক) সক্রমক ক্রিয়া
 (খ) অক্রমক ক্রিয়া
 (গ) যৌগিক ক্রিয়া
 (ঘ) অসমাপিকা ক্রিয়া
৮. কোন বাক্যে পুরাঘটিত অতীতকালের ক্রিয়া আছে?
 (ক) আমরা যাচ্ছিৎ
 (খ) তুমি যেতে থাকো
 (গ) আমরা রাজশাহী গিয়েছিলাম
 (ঘ) সেখানে গিয়ে দেখে আসো
৯. জটিল বাক্যের অন্য নাম কী?
 (ক) সরল বাক্য (খ) মিশ্র বাক্য
 (গ) যৌগিক বাক্য (ঘ) প্রধান খণ্ডবাক্য
১০. হৃদয়াবেগ প্রকাশ করতে কোন চিহ্ন বসে?
 (ক) কমা (খ) হাইফেন
 (গ) প্রশ্নবোধক (ঘ) বিন্দুসূচক
১১. 'তড়িৎ'-এর সমার্থক শব্দ কোনটি?
 (ক) সূর্য (খ) ডানু (গ) বিদ্যুৎ (ঘ) রবি
১২. 'ঝাকের কৈ' বাগ্‌ধারাটির অর্থ কী?
 (ক) দলপতি (খ) দলভূক্ত
 (গ) সহজলভ্য (ঘ) ভণ্ড
১৩. লোকটি কানে শোনে না- বাক্যে 'কান' শব্দটি কী অর্থে প্রয়োগ হয়েছে?
 (ক) বধির (খ) শ্রবণ অঙ্গ
 (গ) মনোযোগ (ঘ) কর্ণগোচর
১৪. সমষ্টিবাচক শব্দ যোগ করে নিচের কোন শব্দের বহুবচন গঠন করা হয়েছে?
 (ক) ছেলেরা (খ) আমগুলো
 (গ) ভাইয়েরা (ঘ) শিক্ষকমণ্ডলী
১৫. একই শব্দের সমার্থক (প্রায়) আর-একটি শব্দ ব্যবহার করে নিচের কোন শব্দের দ্বিবৃত্তি গঠন করা হয়েছে?
 (ক) বছর বছর (খ) বস্তা বস্তা
 (গ) আশা ভরসা (ঘ) আস্তে আস্তে
১৬. ভাষা ও জাতির নামের শেষে হবে-
 (ক) ও-কার, (খ) এ-কার
 (গ) ই-কার (ঘ) ঈ-কার
১৭. একটি আদর্শ বা সার্থক বাক্যের কয়টি গুণ বা বৈশিষ্ট্য থাকবে?
 (ক) দুইটি (খ) তিনটি
 (গ) চারটি (ঘ) পাঁচটি
১৮. 'উচ্চারণ'-এর সন্ধি-বিচ্ছেদ কী হবে?
 (ক) উচ + চারণ (খ) উৎ + চারণ
 (গ) উচ্চা + রণ (ঘ) উচ + উচারণ
১৯. 'আনি/আনী' প্রত্যয়যোগে গঠিত স্ত্রীবাচক শব্দ কোনটি?
 (ক) নাগিনী (খ) বাঘিনী
 (গ) চাকরানি (ঘ) মানিনী
২০. অভিধানে ব্যবহৃত সঠিক বর্ণানুক্রম নিচের কোনটি?
 (ক) অ আ ই ঈ উ (খ) ই উ ঈ আ আ
 (গ) উ ই ঈ অ আ (ঘ) আ উ ঈ ই

উত্তরমালা

১	ঘ	২	ঘ	৩	খ	৪	ক	৫	গ	৬	ঘ	৭	ক	৮	গ	৯	খ	১০	ঘ	১১	গ	১২	খ	১৩	ক	১৪	ঘ	১৫	গ	১৬	গ	১৭	খ	১৮	খ	১৯	গ	২০	ক
---	---	---	---	---	---	---	---	---	---	---	---	---	---	---	---	---	---	----	---	----	---	----	---	----	---	----	---	----	---	----	---	----	---	----	---	----	---	----	---